

## **Идзе дижджик, идзе**

Музика и слова: народни  
Обробка: Микола Попенко

Идзе дижджик, идзе,  
таки є дробеньки,  
плачу мойо чарни очка,  
пре це, мой милєнки.

Кропи дижджик, кропи,  
ягод да го шею,  
та лєм цо го обачела  
очка ше єй шмею.

Пада дижджик, пада,  
по лїсточкох суши,  
так му мила обещала  
же го не опуци.

Плющи дижджик, плющи  
таки, таки лєє,  
єй, дижджику престань падац  
бо ми шерцо млєє.

Престал дижджик, престал,  
витрик подувує,  
лєци мили гу милєнкей,  
бо го обчекує.